



Mirar e escoitar ao mar: imaxe, son e silencio.

4ª RESIDENCIA DE CREADORES E CREADORAS EMERXENTES

Do 26 ao 30 de xuño de 2023 Pazo de Mariñán (A Coruña)

A Real Academia Galega de Belas Artes (RAGBA), as universidades de Santiago, Vigo e A Coruña e os conservatorios superiores de música da Coruña e Vigo, veñen organizando desde o ano 2018 unha serie de actividades que pretenden establecer sinerxías entre os distintos centros de formación artística superior en Galicia. No 2023 súmanse á iniciativa as escolas de arte de A Coruña, Santiago, Lugo e Ourense mais a Escola Superior de Arte Dramática (ESAD) de Vigo.

A RESIDENCIA DE CREADORES E CREADORAS EMERXENTES (Encontros de Mariñán) é unha das máis salientables destas actividades. Consiste nunhas residencias artísticas que celébranse no Pazo de Mariñán (Bergondo) da Deputación da Coruña.

Nela reúnense estudantes das institucións formativas implicadas para, traballando de forma conxunta, desenvolver in situ proxectos creativos de índole interdisciplinaria.

Cara aos encontros do 2023, ano no que a RAGBA homenaxea a Martín Códax, trobador galego dos séculos XIII e XIV, partindo da súa obra propónse como eido de reflexión común, tránsito ou chegada dos procesos de creación, a temática:

«MIRAR E ESCOITAR AO MAR: IMAXE, SON E SILENCIO».

En que data se desenvolven Encontros de Mariñán?

Dende o luns 26 ao venres 30 de xuño de 2023.

Que implica a participación nos Encontros de Mariñán?

O alumnado e profesorado participante comprométese a pernoctar de luns a venres no Pazo de Mariñán e a desenvolver un proxecto de creación propia relacionado co tema establecido. Asimesmo, participará nas actividades establecidas dentro do programa académico (debates, concertos, actuacións ...).

O profesorado actuará como representante da Escola nos actos que así o requiran, como responsable do alumnado da Escola e velará polo correcto desenvolvemento da estada no Pazo de Mariñán.

Cantas prazas oferta a EASD Pablo Picasso?

- 3 prazas para alumnado.
- 2 prazas para profesorado.

Quen pode solicitarlas?

As prazas para alumnado poden ser solicitadas por estudantes con matrícula no curso 2022/23 de calquera das especialidades formativas impartidas na Escola.

As prazas de profesorado poden solicitarlas os docentes destinados na Escola no presente curso 2022/23.

Mirar e escoitar ao mar: imaxe, son e silencio.

INTERACCIÓNS
ARTÍSTICAS
EN GALICIA

4ª RESIDENCIA DE CREADORES E CREADORAS EMERXENTES

Do 26 ao 30 de xuño de 2023 Pazo de Mariñán (A Coruña)

Que inclúe a praza para alumnado nos Encontros de Mariñán?

- Aloxamento en habitación dobre no Pazo de Mariñán en réxime de pensión completa de luns a venres.
- Desprazamento ida e volta.
- Material para desenvolver o proxecto.

Son alumna/o, como solicito unha praza?

O alumnado interesado en participar nos Encontros de Mariñán deberá presentar unha proposta de proxecto (en fase de borrador ou ideación) baseada na figura homenaxeada (**Martín Códax**) ou na temática prevista: **«MIRAR E ESCOITAR AO MAR: IMAXE, SON E SILENCIO»**.

A proposta pódese formular individualmente ou por parellas (da mesma especialidade formativa ou interdisciplinares). A extensión desta proposta non excederá de 10 páxinas e deberá incluír:

1. Portada: Inclúe o nome do programa, o nome e apelidos dos/as autores e das especialidades formativas que cursan na Escola.
2. Xustificación da proposta: idea ou esbozo da proposta que se desenvolverá. Non se pide un remate final da actividade, senón unha explicación xustificada do traballo que se vai desenvolver, cun acompañamento visual mínimo, para que se poida apreciar o mellor posible a proposta presentada.

Para preparar a proposta, a organización dos Encontros elaborou un dossier informativo que pode ser descargado dende a web da Escola.

A proposta deberá enviarse a:
escola.arte.pablo.picasso@edu.xunta.gal

Como se avaliarán as propostas?

Para a valoración das propostas, designarase unha comisión integrada pola Dirección e catro docentes, que terán en conta os seguintes aspectos:

1. Orixinalidade e creatividade da proposta: ata 6 pts.
2. Xustificación da proposta: ata 4 pts.
3. Interdisciplinidade dos membros da parella (se é o caso): ata 1 punto extra.

A puntuación será a media das cualificacións de cada persoa integrante da comisión. A adxudicación das prazas de participación será definitiva e será comunicada por correo ou teléfono ás persoas seleccionadas.

Que inclúe a praza para docente nos Encontros de Mariñán?

- Aloxamento en habitación individual no Pazo de Mariñán en réxime de pensión completa de luns a venres.
- Dietas para o desprazamento ida e volta.
- Material para desenvolver o proxecto.

Son docente, como solicito unha praza?

Para solicitar formalmente a participación, debes enviar un correo electrónico ao enderezo da Escola (escola.arte.pablo.picasso@edu.xunta.gal) ou comunicar verbalmente o teu interese en participar.

No caso de haber máis solicitudes que prazas, a asignación dependerá das especialidades formativas que curse o alumnado seleccionado. Polo tanto, terán prioridade aqueles profesores/as cuxo alumnado participe nos Encontros.

Cal é o prazo de solicitude de participación?

Tanto alumnado como profesorado poderá solicitar a súa participación e enviar a proposta entre o martes 18 e o martes 25 de abril de 2023.

Con data 2 de maio, comunicarase a adxudicación de prazas.